



O B A V J E Š T E N J E

po Odluci o kriterijima i postupku dodjele sredstava odobrenih u Budžetu Unsko-sanskog kantona za 2024. godinu putem Ministarstva privrede sa pozicije Tekući grantovi drugim nivoima vlasti i fondovima

Obavještavaju se općine/gradovi Unsko-sanskog kantona da shodno Odluci o kriterijima i postupku dodjele sredstava odobrenih u Budžetu Unsko-sanskog kantona za 2024. godinu putem Ministarstva privrede sa pozicije Tekući grantovi drugim nivoima vlasti i fondovima broj: 03-02-51-1196/2024 od 8.8.2024. godine ostvaruju pravo na dodjelu sredstava na način podnošenja/dostavljanja zahtjeva Ministarstvu privrede za refundiranje/sufinansiranje projektnih aktivnosti sa narativnim opisom i finansijskom konstrukcijom odnosno obrazloženjem potrebnih finansijskih sredstava neophodnih za realizaciju projektnih aktivnosti i dostavljanjem potpisane i ovjerene izjava načelnika/gradonačelnika da će se doznačena sredstva utrošiti za refundiranje/sufinansiranje projektnih aktivnosti održanih u period od 1.1.-31.12.2024. godine.

Sredstva se dodjeljuju za sufinansiranje projektnih aktivnosti, i to:

- a) za općinu Kantona do 36.000,00 KM,
- b) za grad Kantona do 40.000,00 KM.

Sredstva dodijeljena po ovoj Odluci mogu se koristiti za refundiranje/sufinansiranje projekatnih aktivnosti održanih u periodu 01.01.- 31.12.2024. godine, a koje se odnose na:

- a) unapređenje postojeće turističke ponude,
- b) organizacija turističkih manifestacija.

Neprihvatljivi troškovi za koje se ne mogu koristiti sredstva su: troškovi tekućih komunalnih usluga (telefon, struja, voda, plin, gorivo i sl.), lični dohodak (plaće, doprinosi, službena putovanja i ostale naknade radnika korisnika sredstava) i ugovori o djelu s fizičkim licima.

Svako korištenje odobrenih sredstava suprotno namjenama smatrat će se nenamjenskim utroškom.

Raspodjela sredstava će se vršiti na osnovu dostavljenih Zahtjeva općina/gradova za refundiranje/sufinansiranje projektnih aktivnosti za koje se utvrdi da:

- ispunjavaju formalno – pravne uslove, da su blagovremeni, potpuni i osnovani;
- za koje se ocijeni da će isti imati/dati značajniji doprinos razvoju turizma lokalne zajednice, a prednost pri vrednovanju zahtjeva će imati Zahtjevi općina/gradova koje ispune dodatne kriterije;

Dodatni kriteriji koji će predstavljati prednost pri odabiru su:

- da projekat predstavlja novost u turističkoj ponudi;
- da projekat ima internacionalni karakter;

- da projekat promovira domaće proizvode, autohtonu kulturu, tradiciju i običaje;
- da projekat afirmiše saradnju među gradovima/općinama;
- da je projekat uključujući i senzibilan prema osjetljivim društvenim kategorijama (djeca, osobe s poteškoćama, stare osobe, nezaposleni);
- da projekat angažira volentere i promoviše volonterizam.

Rok za realizaciju projekata je 31.12.2024. godine.

Ministarstvo sa općinama i gradovima zaključuje Ugovore o dodjeli sredstva.

Korisnici sredstava u skladu sa ugovorom obavezni su dodijeljena sredstva Ministarstva koristiti namjenski i dužni su dostaviti:

- izvještaj korisnika sredstava o namjenskom utrošku dodijeljenih sredstava sa kompletnom dokumentacijom,
- izjavu potpisanu i ovjerenu od strane načelnika/gradonačelnika kojom se potvrđuje namjenski utrošak sredstava i da je provedena procedura javnih nabavki u skladu sa Zakonom.

Dokumentacija koja se dostavlja uz Izvještaj o namjenskom utrošku sredstava, a kojom se dokazuje namjenski utrošak sredstava mora biti u originalu ili ovjerenj kopiji (ugovori, računi, izuzev izvoda iz banke o izvršenom plaćanju računa i fotodokumentacije) datirana od 01.01.2024. godine do 31.12.2024. godine.

Rok za dostavu izvještaja je najkasnije 15 dana od dana isteka roka za implementaciju projekta

Ministarstvo vrši nadzor namjenskog trošenja sredstava odobrenih korisnicima na osnovu dostavljenih izvještaja, a po potrebi i neposrednim nadzorom kod korisnika sredstava.

Ukoliko Korisnik sredstava (općine/gradovi) ne dostavi Izvještaj o utrošku sredstava ili nenamjenski utroši sredstva, Ministarstvo pokreće zakonom propisan postupak za povrat finansijskih sredstava i izriče zabranu pristupa budućim poticajnim sredstvima.

O utrošenim sredstvima Ministarstvo će u skladu sa Odlukom o usvajanju programa utroška, a nakon dostavljanja Izvještaja o utrošku sredstava od strane Korisnika sredstava, izvijestiti Vladu Kantona.

Rok za dostavljanje Zahtjeva je 19.08.2024. godine.



Po ovlaštenju ministra
Sekretar ministarstva

Anto Marjanović, dipl.pravnik